

CRONFA GRANT CYMUNEDAU

Adroddiad Cynnydd – Rhagfyr 2018



Strong
Communities
Grant Fund



Cronfa
Grant
Cymunedau

Cynnwys

TROSOLWIG	3
Trosolwg fel yn Rhagfyr 2018	3
CEISIADAU A GYMERADWYWYD	4-5
Ceisiadau a gymeradwywyd fel yn Rhagfyr 2018	4-5
FFEITHLUNIAU.....	6-7
Cipolwg – perfformiad hyd yma	6
Cipolwg – marchnata'r Gronfa Grant Cymunedau Cryf.....	7
ASTUDIAETHAU ACHOS.....	8
Projectau a gwblhawyd a sampl o'r projectau sydd dal yn mynd rhagddynt.....	8
Clwb Tennis y Bont-faen	9
Trafnidiaeth Gymunedol Dwyrain y Fro	10
Ymddiriedaeth Arloesi	11
Canolfan Gymunedol Murchfield	12
Sinema Gymunedol y Rhws	13
Eglwys All Saints Southerndown.....	14
Canolfan Gymunedol Castleland	15
Neuadd Gymunedol y Rhws.....	16
Sinema Gymunedol Sili	17
Neuadd Gymunedol Treoes	18
Cymdeithas Gymunedol Llyswyrny	19
Grŵp Menywod Rainbow	20
The Gathering Place.....	21

Trosolwg: Rhagfyr 2018

Ers i'r Gronfa Cymhorthdal Cymunedau Cryf gael ei lansio ym mis Awst 2017, mae grantiau werth £472,977* wedi'u dynodi i 34 o broiectau ledled Bro Morgannwg. Mae'r Cyngor a'i bartneriaid: Sefydliad Waterloo; Cyfoeth Naturiol Cymru a chynrychiolwyr y Cyngorau Tref a Chymuned wedi ymuno i gefnogi projectau sy'n gwneud gwahaniaeth go iawn i ansawdd bywyd a'r ystod o wasanaethau sydd ar gael i bobl a chymunedau yn y Fro.

Mae'n amlwg bod gan y Fro gymunedau bywiog ac actif. Rydym wedi derbyn dros 200 o ymholiadau gan grwpiau sydd wedi ymrwymo i wneud newidiadau positif yn yr ardaloedd y maen nhw'n byw ynddynt. Gyda chymorth y gronfa, mae grwpiau llwyddiannus wedi dangos tystiolaeth ac wedi bodloni meini prawf cymhwysedd y GCC i gyflawni projectau ymgysylltu gyda'u cymunedau a chynaliadwyedd ystyrlon. Gan weithio gyda'i gilydd, gallwn gyflawni gweledigaeth y Cyngor ar gyfer y Fro, sef 'Cymunedau cryf gyda dyfodol disglair'.

'Bydd y grantiau Cymunedau Cryf a gymeradwywyd hyd yma'n cyfrannu at gyflawniad y projectau gyda chyfanswm gwerth fydd yn fwy na £1.1 miliwn, a bydd hyn oll yn dod â buddion mawr i gymunedau ledled y Fro'

Mae'r Gronfa'n cefnogi projectau 'unigol' ond mae hefyd wedi cynnig arian cyfatebol gwerthfawr lle bo angen i gyflawni mentrau ar raddfa fawr. Mewn sawl achos mae'r grant yn elfen allweddol ar becyn cymorth gan sawl ariannwr fydd yn helpu sefydliadau i ddefnyddio asedau newydd neu sicrhau dyfodol eu hasedau presennol i genedlaethau'r dyfodol. Bydd llawer o broiectau'n helpu'r preswylwyr sydd fwyaf ynysig i gael mynediad at gymorth ac i integreiddio'n rhwyddach gyda bywyd cymunedol. Mae mynd ar ôl unigedd, boed hynny mewn perthynas ag oedran, oherwydd diffyg trafnidiaeth, diffyg incwm, rhwystrau diwylliannol neu ddiffyg hyder, yn flaenoriaeth i lawer o sefydliadau yr ydym wedi cefnogi.

Mae 9 project wedi'i gyflawni ers lansio'r Gronfa, ac mae 13 arall ar waith. Mae graddfa'r projectau cyflawni yn amrywio o brynu un eitem o offer cerddorol i bentref gyda llai na 100 annedd i adfywio neuadd gymunedol sy'n gwasanaethu poblogaeth o dros 2000 o bobl. Thema gyffredin yw cefnogi projectau sy'n dod â phobl ynghyd yn agos i'w cartrefi. Drwy gefnogi hyfforddiant neu weithgareddau hamdden a chymdeithasol, ac i lawer o sefydliadau'r gwirfoddolwyr sy'n cynnig y rhain, mae ein grantiau'n helpu mwy o bobl ledled y Fro i gael mynediad at y gwasanaethau y maen nhw wedi'u hadnabod yn bwysig iawn.

Mae astudiaethau achos yn crynhoi'r 9 project sydd wedi'u cwblhau hyd yma wedi'u cynnwys yn yr adroddiad hwn gyda sampl o'r projectau sydd ar waith. Ceir ffeithluniau sy'n arddangos y perfformiad hyd yma ac egluro'r ffordd yr ydym yn rhannu'r neges am y Gronfa Grant Cymunedau Cryf.

*Mae cyllid Adran 106 wedi'i ddyrannu i 3 o'r projectau a gymeradwywyd, gan ryddhau oddeutu £45,000 yn ôl i'r Gronfa Cymunedau Cryf. Nid yw un o'r projectau a gymeradwywyd wedi symud ymlaen eto.

CEISIADAU A GYMERADWYWD: Rhagfyr 2018

Ceisiadau dros £10,000					
Rownd	Ymgeisydd	Project	Cynnig grant	Statws	Ward
R2	Ymddiriedaeth Amelia	Astudiaeth o Ddichonoldeb	£20,000.00	Dechrau yn 2019	Y Rhws
R3	Project Neuadd Bentref Aberthin	Gwelliannau i adeiladau – mynediad i bobl anabl/cyfleusterau newid babis	£14,800.00	Dechrau yn 2019	Y Bont-faen
R3	Ardal chwarae Tregolwyn	Ardal chwarae i blant	£14,000.00	Dechrau yn 2019	Llandŵ/Ewen ni
R2	Ymddiriedaeth Siarter Y Bont-faen	Adfer Gerddi'r Hen Neuadd	£26,725.80	Dechrau yn 2019	Y Bont-faen
R2	Clwb Tennis Y Bont-faen	System archebu tenis talu a chwarae	£12,080.00	Wedi cwblhau	Y Bont-faen
R2	Trafnidiaeth Gymunedol Dwyrain y Fro	Bws mini newydd a menter i ddenu gwirfoddolwyr	£33,732.00	Parhaus	Augustines
R2	Gibby Green Fingers	Gardd synhwyrol a chanolfan addysgol ar y safle	£16,800.00	Parhaus	Gibbonsdown
R2	GVS	Dod â WVICC yn ôl i ddefnydd a gwella darpariaeth y gwasanaethau	£53,094.00	Dechrau yn 2019	Llanilltud Fawr
R1	Ymddiriedaeth Innovate	Datblygu gardd fforest ym Mharc Porthceri	£28,059.00	Parhaus	Illtyd
R3	Cyngor Cymuned Llandochoau	Ardal gemau amldefnydd	£44,634.00	Dechrau yn 2019	Llandochoau
R2	Cymdeithas Gymunedol Murchfield	Toiledau newydd a llawr newydd yn y brif neuadd	£35,000.00	Wedi cwblhau	Dinas Powys
R1	Restorative Wales	Cyd-ddatblygu model hyb partneriaeth aml-asantiaeth adferol i ysgolion a theuluoedd y Fro.	£22,885.50	Parhaus	Gibbonsdown
R1	Sinema Gymunedol y Rhws	Offer ar gyfer y sinema gymunedol	£10,974.00	Wedi cwblhau	Y Rhws
R2	Cefnogi gwaith cartref rhieni/plant y Fro	Cefnogi/hyfforddi gwirfoddolwyr clwb gwaith cartref yn Sain Tathan/Llanilltud Fawr	£37,578.40	Parhaus	Sain Tathan/Llanilltud Fawr
R2	YMCA	Boeleri newydd yn yr YMCA	£33,330.00	Parhaus	Court

Ceisiadau rhwng £1,000 a £10,000					
Rownd	Ymgeisydd	Project	Cynnig grant	Statws	Ward
R1	Eglwys All Saints	Trosi tir diffaith yn ardd heb lawer o gynnal a chadw	£2,495.00	Cwblhawyd	Saint-y-brid
R3	Grŵp Cadwraeth Tregatwg	Gwefan, gwesty pryfaid a theclynnau	£1,554.00	Dechrau ym mis Rhagfyr 2018	Cadoc
R2	Canolfan Gymunedol Castleland	System fwcio hyblyg a chaledwedd	£3,665.75	Parhaus	Castleland
R3	Neuadd Bentref Llansannor	Goleuadau'r neuadd bentref, system sain a thaflunydd	£7,150.00	Dechrau ym mis Rhagfyr 2018	Y Bont-faen
R3	Motion Control	Project peilot	£4,799.00	Dechrau yn 2019	Court
R3	Neuadd Bentref Aberogwr	Gosod cegin y neuadd bentref	£6,000	Dechrau yn 2019	Saint-y-brid
R2	Pukka Productions	Dylunio ac adeiladu'r wefan newydd	£3,600.00	Parhaus	Cadoc
R2	Neuadd Gymunedol y Rhws	Ffenestri newydd ar gyfer y neuadd gymunedol	£5,250.00	Cwblhawyd	Y Rhws
R1	Festri Saron	Adnewyddu'r festri	£3,267.00	Dechrau yn 2019	Llandŵ/Ewen ni
R2	Sinema Gymunedol Sili	Offer i'r sinema gymunedol	£1,857.00	Cwblhawyd	Sili
R2	The Exchange	Ffioedd marchnata/proffesiynol i greu neuadd farchnad newydd i'r Bont-faen a'r Fro ehangach.	£10,000.00	Parhaus	Y Bont-faen
R1	Neuadd Gymunedol Treoes	Adnewyddu Neuadd Gymunedol Treoes	£5,839.00	Parhaus	Llandŵ/Ewen ni
R3	Cymdeithas Breswylwyr Tŷ Cadoc	Gerddi cymunedol	£1,949.00	Parhaus	Cadoc
R3	Neuadd Bentref Gwenfô	Gwelliannau hygyrchedd	£8,146.00	Parhaus	Gwenfô
Ceisiadau hyd at £1,000					
Round	Applicant	Project	Grant offer	Status	
R1	Cariad ar Waith	Gwnïo a chreffft i bawb	£1,000.00	Problem gyda'r lleoliad wedi'i dynnu nôl	Court
R3	Coed Hills	Pwyswr afalau	£600	Parhaus	Y Bont-faen

R2	Creu Cerddoriaeth yn Llyswyrny	Prynu allweddell at ddibenion cymunedol.	£239.00	Cwblhawyd	Llandŵ/Ewen ni
R1	Grŵp Menywod Rainbow	Offer ymarfer corff 'GEM' bychan	£1,000.00	Cwblhawyd	Buttrills
R2	The Gathering Place	Darparu clwb cinio i bobl hyn yn/o amgylch ardal Sain Tathan.	£891.00	Cwblhawyd	Sain Tathan

R1 = Rownd 1: 25 Hydref 2017

R2 = Rownd 2: 8 Mawrth 2018

R3 = Rownd 3: 6 Medi 2018

Projectau a Gwblhawyd Rhagfyr 2018

**Astudiaethau achos enghreifftiol –
projectau sy'n dal i fynd rhagddynt**

CIPOLWG – PERFFORMIAD HYD YMA

Cronfa Grant Cymunedau




23 projectau a
dderbyniodd gyllid



130 ymholiadau
a wnaed ers lansio
fis Awst 2017




**Mathau o
sefydliadau a ariannwyd**



12 wardiau wedi
derbyn cyllid hyd yn hyn

Ymholiadau Rownd 1 a 2 Cronfa Grant Cymunedau Cryf



£324,656
dyfarnwyd
hyd yma



Mae Cynllun Grant Cymunedol Cyngor
Bro Morgannwg ar agor tan 2020

I ddarganfold mwy: 01446 704636
scgfapplications@valeofglamorgan.gov.uk
www.valeofglamorgan.gov.uk



@EconomirFro

CIPOLWNG - MARCHNATA

Cronfa
Grant
Cymunedau

MARCHNATA

2 hysbyseb dargedig y talwyd amdanynt ar Facebook,
yn cyrraedd 7918 o bobl



Pyst Facebook ar rowndiau cyllido
newydd ar dudalennau Hyb Cymunedol



Pyst Facebook/Twitter rheolaidd gan
@ValeEconomy a @VOGCouncil yn hysbysebu
dyddiadau cau allweddol a straeon llwyddiant

YN Y WASG

Y Man Casglu
Clwb Gwaith Cartref y Fro
Canolfan Gymunedol
Murchfield



Hysbysebu'r Gronfa Grant
Cymunedau Cryf yn y papur
newydd lleol

Y Barri a'r
Cylch

The
Gem

Logo'r Gronfa Grant Cymunedau Cryf wedi'i
anfon at ymgeiswyr llwyddiannus i'w
ddefnyddio yn eu marchnata.

Ail-rannu drwy dudalennau cyfryngau cymdeithasol.

Manylion/lluniau wedi'u casglu ar
gyfer astudiaethau achos.



Cyllid **A106**
wedi'i hyrwyddo yn

**NINAS POWYS
PENARTH
Y RHWS**



Cyflwyniadau mewn lleoliadau
cymunedol a chyfarfodydd pwyllgor

Tafleini ac e-byst wedi'u hanfon i leoliadau
cymunedol gyda dyddiadau cau allweddol

Manylion/lluniau wedi'u casglu
ar gyfer astudiaethau achos



Hyrwyddo drwy
randdeiliaid, gan gynnwys
cynghorau cymuned a
gwasanaethau mewnol

Ffeithlun a thaflen wybodaeth
wedi'u hanfon dros e-bost at
47 o aelodau gyda dyddiadau
cau allweddol



Cyflwyniad yng nghyfarfod VVACDN (Rhwydwaith Gweithredu
Gwirfoddol a Datblygu Cymunedol y Fro)
Erthygl ym mwletin newyddion
Gwasanaethau Gwirfoddol Morgannwg
Post uniongyrchol i staff Gwasanaethau Gwirfoddol Morgannwg

ASTUDIAETHAU ACHOS

Projectau a gwblhawyd

Clwb Tennis y Bont-faen	System archebu tenis talu a chwarae	£12,080
Cymdeithas Gymunedol Murchfield	Toiledau newydd a llawr newydd yn y brif neuadd	£35,000
Sinema Gymunedol y Rhws	Offer i'r sinema cymunedol	£10,974
Eglwys All Saints Southerndown	Gardd gymunedol	£2,495
Neuadd Gymunedol y Rhws	Ffenestri newydd ar gyfer neuadd gymunedol	£5,250
Sinema Gymunedol Sili	Offer ar gyfer sinema gymunedol	£1,857
Creu Cerddoriaeth yn Llyswyrny	Prynu allweddell at ddibenion cymunedol	£239
Grŵp Menywod Rainbow	Offer ymarfer corff 'GEM' bychan	£1,000
The Gathering Place	Clwb cinio i bobl hŷn	£891

Projectau enghreifftiol sy'n dal i fynd rhagddynt

Canolfan Gymunedol Castleland	System archebu hyblyg a chaledwedd	£3,665.75
Trafnidiaeth Gymunedol Dwyrain y Fro	Bws mini newydd / denu gwirfoddolwyr	£33,732
Neuadd Gymunedol Treoes	Adnewyddu'r Neuadd	£5,839
Ymddiriedaeth Innovate	Datblygu gardd fforest ym Mharc Porthceri	£28,059

CLWB TENIS Y BONT-FAEN

SYSTEM ARCHEBU TENIS TALU A CHWARAE

**PLAY TENNIS
FOR FREE**
DURING WIMBLEDON
2-15 JULY 2018

Monday to Friday 09:00-15:00
All Day Weekends*
*Subject to availability

COWBRIDGE TENNIS CLUB
The Broad Shoard, Cowbridge,
CF71 1DA

Enquire at Cowbridge Leisure
Centre Reception to Book Now
01446 403 000





Amlinelliad o'r Project

Buddsoddi mewn gât glo â chod, system reoli gyfrifiadurol a ffensys diogelwch. Does do, cyrtiau tenis cyhoeddus yn y Bont-faen ar hyn o bryd. Mae'r project hwn yn agor cyfleusterau'r clwb i'r gymuned ehangach ac yn sicrhau eu bod nhw'n cael eu defnyddio cymaint â phosibl. Mae'r project yn helpu'r clwb i reoli a monitor pob archeb yn effeithlon. Ei nod yw hyrwyddo integreiddiad cymdeithasol drwy wella

Adroddiad Cynnydd

Cwblhawyd y project yn brydlon er mwyn gallu manteisio'n llawn ar yr haf poeth a gawsom eleni. Gall pobl nad ydynt yn aelodau o'r clwb archebu a thalu am gwrth ar-lein pan nad yw'r cyrtiau'n cael eu defnyddio. Roedd y clwb yn falch iawn o weld pa mor boblogaidd oedd y cynllun, ac mae'r Ganolfan Chwaraeon wedi chwarae rhan actif o ran hyrwyddo'r cyrtiau fel cyfleuster i unrhyw un sydd am eu defnyddio, waeth beth fo'u gallu a heb fod yn aelod o'r clwb.

"Mae'r grant wedi'n helpu ni i nodi nifer yr archebion ers i'r gât gael ei gosod ym mis Mehefin 2018. Mae'r gât wedi rhoi ffordd hawdd i'r gymuned i archebu cwrt ar adeg sy'n gyfleus iddyn nhw"

CIPOLWG

Cyfanswm y grant:
£12,080

Cyfanswm cost y project:
£14,109

Rownd 2

TRAFNIDIAETH GYMUNEDOL DWYRAIN Y FRO

BWS MINI NEWYDD A RHAGLEN TYWYSWYR



Amlinelliad o'r Project
Cyflwyno bws mini (12 oed)
yn lle'r hyn sy'n cael ei
ddefnyddio ar hyn o bryd a
menter newydd i ddenu
gwirfoddolwyr newydd.

Adroddiad Cynnydd

Bellach, mae TGDF yn berchnogion balch ar fws mini â 16 sedd o'r enw Donnie, ar ôl un o sefydlwyr y grŵp! Mae gan y cerbyd lifft penodol ar gyfer cadeiriau olwyn, ac mae'n fws mwy na'r hen un sy'n golygu bod modd cynnig cymorth i fwy o grwpiau.

"Mae cael bws mini mwy a newydd yn golygu ein bod wedi gallu rhoi cyfleoedd i'n haelodau i gael mynediad at weithgareddau cymdeithasol – ni fyddai hyn yn bosibl fel arall"


CIPOLWG

Cyfanswm y Grant:
£33,732

Cyfanswm cost y project:
£43,732

Rownd 2

YMDDIRIEDAETH INNOVATE



Adroddiad Cynnydd – Awst 2018

Mae cyfranogwyr yn ennill sgiliau fydd yn ddefnyddiol iddynt mewn sefyllfaoedd gwirfoddoli a chyflogaeth eraill ac yn eu bywydau bob dydd, megis y gallu i gydweithio'n dda, ymddwyn yn briodol gyda chyfoedion, dilyn cyfarwyddiadau a bod yn flaengar. Hyd yn hyn, mae'r grŵp wedi:

- Plannu dŵl â blodau gwyllt
- Trwsio, glanhau a gosod bocsys ystlumod ac adar
- Plannu planhigion cors
- Cynnal a chadw gardd fwthyn y tu allan i fwthyn y gwarcheidwaid
- Codi sbwriel
- Cynnal a chadw llwybrau cerdded cyhoeddus
- Ail-beintio meinciau'r parc
- Glanhau'r arwyddion/rheiliau ar hyd y mynediad i'r parc
- Cael gwared â glasbrennau sycamorwydden oedd wedi hadu

“Rydym oll yn gweithio fel tîm. Mae gan rhai pobl anabledd dysgu ac mae gan rai pobl broblemau iechyd meddwl, a does dim anabledd o gwbl ar rai pobl, ond does dim ots oherwydd mae pawb yn cydweithio i wneud y gwaith” [dyfyniad gan un o wirfoddolwyr y project]

GARDD FFOREST YM MHARC PORTHCERI

Amlinelliad o'r Project

Mae'r Project yn cefnogi oedolion ag anableddau dysgu i wneud gwaith cadwraeth ochr yn ochr â'r tîm gwarcheidwaid ym Mharc Porthceri. Yn ogystal â'r mwynhad y mae'r cyfranogwyr yn ei gael wrth gymryd rhan, mae'r project yn bwysig gan ei fod yn rhoi cyfle iddynt i gymryd rhan mewn gwaith gwirfoddoli ystyrlon sy'n werthfawr ac sy'n cael ei gydnabod yn y gymuned fel cyfraniad defnyddiol. Mae oedolion ag anableddau dysgu'n wynebu llawer o wahaniaethu a stigma gydol eu bywydau, ac mae projectau megis Project Parc Porthceri'n gymorth o ran chwalu'r canfyddiadau negyddol hynny.

CIPOLWG

Cyfanswm y grant:
£28,059

Cyfanswm cost y project:
£37,119

Rownd 1

CANOLFAN GYMUNEDOL MURCHFIELD

ADNEWYDDU



Adroddiad Cynnydd

Wedi'i gwblhau yn ystod yr haf eleni, mae'r project wedi cynnig cyfleusterau modern sydd wedi trawsnewid golwg y ganolfan. Mae'r project yn deillio'n uniongyrchol o arolygon defnyddwyr a nododd yn glir fod toiledau, llawr y neuadd a'r cyfleusterau gwres angen sylw. Mae'r costau rhedeg wedi lleihau yn sgil y gwaith plymio a gwresogi snwydd ydd wedi golygu bod y ganolfan yn gallu parhau i gynnig ffioedd llogi rhesymol. Mae sylw yn y wasg am y gwelliannau a phobl yn rhannu'r neges wedi sicrhau bod y galw am y gofod cymunedol yn uwch nag erioed.

“Bellach mae gennym grwpiau newydd sy'n defnyddio'r neuadd yn ddiweddar, megis dosbarth adsefydlu cardiaidd ac mae'r galw am ddigwyddiadau mawr wedi cynyddu hefyd. Mae pobl yn meddwl ei fod yn edrych yn wych. Ni fyddem wedi gallu cyflawni'r gwelliannau hyn heb y grant ac mae wedi gwneud gwahaniaeth mawr”

Amlinelliad o'r Project

Mae'r toiledau a adeiladwyd yn y 1980au wedi'u hadnewyddu ac mae llawr newydd wedi'i osod yn y brif neuadd. Mae'r ganolfan yn neuadd amldeffnydd ar ochr ddeheuol Dinas Powys a dyma'r unig neuadd fawr/man y gellir ei logi yn y rhan hon o'r pentref, sy'n gwasanaethu mwy na 2000 o aelwydydd. Prif ddiben y ganolfan yw cynnig chwaraeon, ymarfer corff a digwyddiadau diwylliannol ar gyfer pobl o bob oedran. Mae'r llu o weithgareddau a gynhelir yma yn amrywio o Grŵp Rhiant a Phlentyn, , Taekwondo a dawnsio stryd i glwb prynhawn Mercher ar gyfer pobl hŷn a Chaffi'r Cof.

CIPOLWG

Cyfanswm y grant:
£35,000

Cyfanswm cost y project:
£39,222

Rownd 2

SINEMA GYMUNEDOL Y RHWS

PRYNU OFFER AR GYFER Y SINEMA GYMUNEDOL



Adroddiad Cynnydd – Awst 2018

Bellach, mae'r Neuadd yn dangos ffilm bob mis ar nos Sadwrn ac yn aml bydd rhwng 50 a 100 yn mynychu, gyda grŵp craidd o bobl sy'n mynd yn aml. Mae'r costau'n isel i bobl sy'n mynychu gyda ffrwd incwm ychwanegol yn dod o'r lluniaeth a weinir yn ystod yr egwyl gan wirfoddolwyr. Ceir adborth positif yn rheolaidd ar dudalen Facebook y grŵp gan bobl sy'n cyflwyno sylwadau ar yr adnodd ffantastig a'r cyfle y mae'r sinema yn ei gynnig i gwrdd â hen ffrindiau. Mae'r grŵp sinema wedi gallu cefnogi grwpiau lleol eraill, megis CRhA yr ysgol gynradd, i godi arian drwy sicrhau bod yr offer ar gael iddyn nhw a thrwy gyfrannu at y costau sgrinio.

“Gallwn ddefnyddio'r offer i ymgysylltu ag ystod ehangach o bobl leol. Mae gennym gynlluniau i ddangos ffilmiau sy'n addas i bobl â demensia. Mae gan y project fuddion ehangach i'r neuadd bentref hefyd gan fod yr offer yn golygu bod rhagor o ddefnyddwyr, a defnyddwyr gwahanol, yn dod i'r neuadd.”

Amlinelliad o'r Project

Mae'r clwb wedi gallu prynu eu hoffer sinema eu hunain. Roedd y sinema gymunedol hon, yn neuadd gymunedol Stewart Road, yn gorfod dibynnu ar fenthg offer am gyfnod hir. Galluogodd y project hwn y grŵp i brynu eu hoffer eu hunain, a wnaeth wahaniaeth mawr oherwydd nawr maent yn gallu cynllunio eu rhaglen ymlaen llaw â mwy o sicrwydd ac nid oes rhaid iddynt dreulio amser yn cludo offer drud.

CIPOLWG

Cyfanswm y grant: £10,974
(A106)

Cyfanswm cost y project:
£10,974

Rownd 1

EGLWYS ALL SAINTS SOUTHERNDOWN

GARDD GYMUNEDOL



Adroddiad Cynnydd – Awst 2018

Cwblhwyd y project o fewn y gyllideb ym mis Mehefin 2018 a nododd y grwp bod yr ardd yn cael ei defnyddio bob dydd yn ystod yr haf. Mae'r buddsoddiad wedi eu galluogi i wneud llawer mwy ac wedi gwneud yr eiddo'n fwy deniadol i ddefnyddwyr posibl. Gan fod yr ardal awyr agored yn addas ar gyfer cadeiriau olwyn, gall pob aelod o'r gymuned ei defnyddio. Mantais arall yw bod modd gwyllo gemau criced a gynhelir yn rheolaidd yng nglwb criced Southerndown gerllaw oddi yno.

“Rydyn ni, aelodau'r eglwys a'r gymuned, yn falch iawn o'r cyfleuster newydd. Mae yng nghanol y pentref ac mae naws wych yno. Mae'n gwbl addas i bobl sy'n defnyddio cadeiriau olwyn. Mae'r cerrig hyd yn oed yn addas i gadeiriau olwyn. Gall y gymuned hefyd fwynhau gwyllo'r campau ar y cae criced o'r ardd gan ei bod yn edrych dros y cae. Rydym wrth ein bodd!”

Amlinelliad o'r Project

Mae'r grant wedi'i ddefnyddio i lunio gardd hygyrch heb llawer o waith cynnal a chadw arni unrhyw un sy'n defnyddio'r neuadd. Yr adeilad yw'r unig man cwrdd i sefydliadau a phreswylwyr yr ardal, ac ers iddo gael ei addasu ar gyfer defnydd cymunedol yn 2008, mae'n cael ei ddefnyddio gan y ddau grŵp fel lleoliad cymunedol. Mae'r project wedi trawsnewid darn o dir gwag oedd wedi gordyfu yn fan awyr agored deniadol.

CIPOLWG

Cyfanswm y grant: £2,495

Cyfanswm cost y project:
£3,495

Rownd 1

CANOLFAN GYMUNEDOL CASTLELAND

SYSTEM ARCHEBU HYBLYG A CHALEDWEDD



Adroddiad Cynnydd – Awst 2018

Mae'r ganolfan brysur yn addas ar gyfer clybiau sy'n cynnig gwasanaethau hanfodol i'r rhan hon o'r Barri. Gall yr hyfforddiant helpu aelodau o'r gymuned i gael mynediad at swyddi, ac mae'r grwpiau cymdeithasol yn gwella ansawdd bywyd a chynhwysiant yn yr ardal lle nad yw gweithgareddau o'r fath ar gael ac yn fforddiadwy bob tro. Ers mis Mehefin, mae'r ganolfan wedi treulio amser yn ymgorffori'r feddalwedd newydd a'r system fwcio ar eu gwefan, ac mae'r staff wedi bod yn ymgyfarwyddo â'r feddalwedd hefyd. Pan fydd wedi'i sefydlu'n gyfan gwbl, bydd y feddalwedd yn ddefnyddiol iawn o ran rhyddhau amser i ganolbwyntio ar broiectau cymunedol a threulio amser yn rhwydweithio, yn ogystal â helpu grwpiau eraill neu grwpiau posibl yn y Ganolfan.

Amlinelliad o'r Project
Cyflwyno system archebu hyblyg iawn, a chaffael y caledwedd oedd ei angen i gefnogi'r galw cynyddol ar y Ganolfan gan amrywiaeth o unigolion a sefydliadau, yn ogystal â chyflwyno rhaglen hyfforddi ar ar gwirfoddolwyr. Bellach, mae 16 o grwpiau'n defnyddio'r ganolfan yn rheolaidd bob wythnos, o'i gymharu â 12 yn 2017. Mae'r ganolfan yn cynnig cyfleusterau i amrywiaeth o grwpiau megis grwpiau plant bach, hyfforddiant TG, hyfforddiant cyflogadwyedd, gwasanaethau cwnsela a sefydliadau Anabledd yn ogystal â grwpiau ffitrwydd a hamdden unigol.

CIPOLWG

Cyfanswm y grant:
£3,665.75

Cyfanswm cost y project:
£4,025.75

Rownd 2

NEUADD GYMUNEDOL Y RHWS

FFENESTRI NEWYDD



Adroddiad Cynnydd

Gosodwyd 13 o ffenestri newydd yn llwyddiannus ar ddiwedd mis Gorffennaf 2018. Mae'r grŵp yn falch iawn gyda'u hased newydd. Mae gan y ffenestri newydd gloeon cadarn, gwarant o 10 mlynedd a byddant hefyd yn gwella diogelwch y neuadd. Byddant hefyd yn gwella'r cyfleusterau yn y neuadd gan annog rhagor o bobl i fynychu gweithgareddau megis sesiynau ymarfer corff yno. Mae'r sesiynau hyn yn hanfodol o ran cyfrannu tuag at ffrwd incwm y neuadd yn y dyfodol.

Project Outline

Replacement of windows in the lesser hall, office and committee room. The windows needed replacing due to their age, inefficiency and the fact that they presented a security issue. The new windows are not only aesthetically pleasing, they should help to reduce fuel bills and make the building more attractive to users.

CIPOLWG

Cyfanswm y grant:
£5,250

Cyfanswm cost y project:
£5,250

Rownd 2

SINEMA GYMUNEDOL SILI

OFFER SINEMA

Amlinelliad o'r Project
Prynu dau chwaraewr blu-ray/dvd o safon i alluogi deunyddiau sydd wedi'u creu'n lleol mewn cysylltiada â digwyddiadau cymunedol i gael eu dangos cyn symud ymlaen yn rhwydd at y brif ffilm. Mae offer atodol megis dyfais switsys a chyfleuster monitro hefyd wedi'u darparu ynghyd â bocs teledu Free-view i alluogi pobl i wyllo digwyddiadau o ddiddordeb cymunedol megis y briodas frenhinol.



Adroddiad Cynnydd – Awst 2018

Mae'r offer rac gosodadwy wedi'i osod a ddefnyddiwyd yn gyhoeddus am y tro cyntaf ar y 20 Mai. Mae'r grwp bellach yn edrych ymlaen at ehangu ystod ac amllder y ffilmiau fydd yn cael eu dangos i'r gymuned leol ynghyd â defnyddio'r offer i ddangos digwyddiadau pwysig megis Gemau Rygbi Rhyngwladol yr Hydref.

“Mae'r holl offer sinema wedi'i osod ac mae'n cynnig profiad gwych o safon yr oeddem wedi gobeithio amdano”

CIPOLWG

Cyfanswm y grant: £1,857

Cyfanswm cost y project:
£5,200

Rownd 2

NEUADD GYMUNEDOL TREOES

ADNEWYDDU'R NEUADD



Adroddiad Cynnydd – Awst 2018

Mae'r gwaith adnewydd wedi llwyddo i newid golwg a naws y Neuadd, gan ei gwneud yn fwy modern a deniadol. Mae'r grwpiau oedd wedi bod yn defnyddio'r neuadd yn rheolaidd ond oedd yn ystyried symud i leoliad arall wedi dewis aros, gan roi adborth eu bod nhw'n falch iawn o'r gwaith adnewyddi. Dim ond wythnos ar ôl cwblhau'r gwaith adnewyddu, derbyniwyd cais gan grŵp o gerddorion i ddefnyddio'r Neuadd am 3 awr bob dydd Sadwrn, a chan Grŵp Celf oedd am ddefnyddio'r neuadd unwaith yr wythnos ar ddau fore gwahanol. Effaith yr archebion ychwanegol hyn yw bod y Neuadd yn cael ei ddefnyddio'n ystod y dydd o ddydd Mawrth i ddydd Sadwrn, ac mae nosweithiau Mawrth a Mercher bellach yn gallu cynnal eu hunain gyda'r incwm rhent sy'n dod i mewn. Mae'r Neuadd yn edrych yn dda ac mae'n llawer mwy deniadol ar y tu mewn a'r tu allan.

“Nododd adborth gan aelodau hŷn y gymuned, yn enwedig y Grŵp Young at Heart, eu bod nhw'n falch iawn o gael cadeiriau cyfforddus a modern i eistedd arnynt yn hytrach na'r rhai hen plastig oedd fel bwcedi!!”

Project Outline

The hall was totally refurbished - completed painted inside, new entry carpet, new fire doors, replacement vertical window blinds, some new tables and total replacement of all chairs, additional kitchen equipment. e.g. large urn, cafetieres, cups and saucers etc.

CIPOLWG

Cyfanswm y grant:
£5,839

Cyfanswm cost y project:
£6,646.90

Rownd 1

CYMDEITHAS GYMUNEDOL LLYSWYRNY

CREU CERDDORIAETH YN LLYSWYRNY



Amlinelliad o'r Project
Prynu allweddell i'r
gymuned ac chefnogi
digwyddiadau diwylliannol
a gynhelir yn y pentref.

Adroddiad Cynnydd

Prynwyd yr allweddell yn yr haf, ac mae'n dod â'r gymuned ynghyd mewn ffyrdd newydd. Does gan Llyswyrny ddim man penodol ar gyfer cynnal gweithgareddau cymunedol felly mae cael allweddell symudol yn golygu bod llawer mwy o gyfleoedd ar gyfer cynnal digwyddiadau dan do ac awyr agored mewn lleoliadau gwahanol. Mae diddordeb cynyddol mewn canu corawl a chreu cerddoriaeth yn y pentref fel gweithgaredd cymdeithasol, llesiant ac er mwyn codi arian. Bydd yr allweddell yn meithrin y diddordeb hwn wrth annog ystod ehangach o breswylwyr i fod yn gynulleidfa ac i gymryd rhan.

"Mae'r allweddell wedi'i gwneud hi'n llawer haws i ganu gyda'n gilydd mewn digwyddiadau blynyddol fel ein 'Dechrau Canu Dechrau Canmol' a 'Carols around the pond'"

CIPOLWG

Cyfanswm y grant: £239

Cyfanswm cost y project:
£572

Rownd 2

GRŴP MENYWOD RAINBOW

'GEM' BYCHAN RAINBOW



Amlinelliad o'r Project
Cynnig offer ymarfer corff a hyfforddwr i'w gwneud yn haws i'r grwp i drefnu eu gweithgareddau eu hunain am bris isel. Nod y project yw mynd i'r afael â'r rhwystrau a wynebir gan fenywod lleiafrifoedd ethnig o ran cael mynediad at gyfleoedd iechyd a ffitrwydd ac sy'n wynebu problemau ehangach yn ymwneud ag unigedd. Nodwd bod cysylltiad pendant rhwng iechyd ac ethnigrwydd ac felly mae'n amlwg bod galw mawr am broiect fel hyn.

Adroddiad Cynnydd – Awst 2018

Gan redeg sesiynau ymarfer corff wythnosol yng nghanolfan gymunedol Margaret Alexander am ffi o £2, mae'r Grŵp Menywod Rainbow'n bwriadu helpu merched o bob oedran i fyw bywyd mwy actif ac iachus. Mae'r project yn adeiladu ar nodau'r grwp i helpu i fynd i'r afael ag unigedd ymysg menywod sy'n agored i niwed a menywod sydd wedi'u hallgau'n gymdeithasol. Mae'r project yn helpu i wella sgiliau cyfathrebu, dealltwriaeth, parch a rhyngddibyniaeth rhwng pobl o bob grŵp oedran, rhyw a chefnidir diwylliannol.

“Mae'n helpu menywod sydd wedi cyrraedd y Fro i fod yn rhan o gymdeithas...., mae cymryd rhan yn y dosbarthiadau a rhannu hwyl a chwerthin yn eu helpu nhw i newid eu tymer a theimlo'n well”

CIPOLWG

Cyfanswm y grant: £1,000

Cyfanswm cost y project:
£2,456

Rownd 1

THE GATHERING PLACE

CLWB CINIO



Adroddiad Cynnydd – Awst 2018

Cyfarfu'r clwb am y tro cyntaf ar y 14 Mai 2018 ac mae'n cwrdd bob yn ail ddydd Llun o bob mis. Er nad oes unrhyw gyfyngiad o ran oedran, ei nod yw rhoi cyfle i breswylwyr hŷn y pentref a phobl eraill sy'n byw tu allan i'r pentref i fwynhau pryd mewn lleoliad cymdeithasol. Roedd preswylwyr a fynychodd y cinio cyntaf yn ei ganmol. Mae grwp craidd o wirfoddolwyr yn teimlo'n ddigon hyderus i redeg y clwb yn y flwyddyn newydd, a does dim cynlluniau ar waith i redeg rhagor o weithgareddau ochr yn ochr â'r clwb cinio megis cwis neu sesiynau crefft.

“Mae gennym 15 i 20 o bobl sy'n mynychu'n aml, ac mae'r niferoedd yn tyfu. Mae rhai o'r rhain bellach yn cymryd rhan mewn gweithgareddau fel 'music in mind'. Rydym yn gwahodd cynrychiolwyr o sefydliadau eraill i'r clwb cinio fel y gall pobl glywed am yr ystod eang o wasanaethau sydd ar gael iddynt”

Amlinelliad o'r Project

Cynnig Clwb Cinio i bobl hn sy'n byw yn neu o amgylch ardal Sain Tathan.

Defnyddiwyd y grant i brynu crochenwaith a chyllyll a ffyrc ac i ariannu cydlynnydd am 5 awr y mis ar gyfer blwyddyn cyntaf y project.

Mae'r ganolfan gymunedol yn cynnig yr adeilad, y gwres, y goleuadau a'r cyfleusterau am ddim. Cefnogir y clwb gan wirfoddolwyr lleol dan oruchwyliaeth y cydlynnydd. Does dim rhaid talu am y bwyd ac mae'r clwb cinio'n bwriadu ariannu ei hun erbyn bl. 2.

CIPOLWG

Cyfanswm y grant:
£891.00

Cyfanswm cost y project:
£891

Rownd 2

Yn anffodus, bu farw **Catherine Watkins**, sefydlwr Grŵp Cymorth Gwaith Cartref Plant a Rhieni'r Fro yn y Rhws, Bro Morgannwg ar ddydd Mawrth 11 Rhagfyr. Rydym yn meddwl am y teulu, ei ffrindiau a'i chydweithwyr, a'r llawer iawn o bobl a gafodd fudd o'r gwaith a wnaeth Catherine i wneud gwahaniaeth ym mywydau cymaint o bobl. Bydd gwaith caled Catherine yn parhau.



Medal Ymerodraeth Prydain

Is-adran Sifil

Siawnsri Canolog Urdd y Marchogion

Palas Sant Iago, Llundain SW1

29 Rhagfyr 2018

MAE'R FRENHINES yn falch o ddyfarnu Medal Ymerodraeth Prydain (Is-adran Sifil) i'r isod.

A.Y.P.

Catherine Barbara WATKINS

Am wasanaethau i Addysg a Phobl Ifanc yn y Rhws, Bro Morgannwg.

Drwy gydweithio, gallwn gyflawni gweledigaeth y Cyngor am Fro Morgannwg gyda 'Chymunedau Cryf â dyfodol disglair'